

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik
Broj: 02-11-1277-5/24
Teočak, 21.10.2024. godine

Na osnovu člana 64. stav (1) tačka b) i člana 70. Zakona o javnim nabavkama („Službeni glasnik BiH“ broj: 39/14, 59/22 i 50/24), Pravilnika o javnim nabavkama roba, usluga i radova u općini Teočak („Službeni bilten općine Teočak“ broj: 05/23) i člana 43. Statuta Općine Teočak („Službeni bilten općine Teočak“ broj: 5/08, 2/12 i 1/22), a na Preporuku Komisije za javne nabavke Općinski načelnik d o n o s i:

O D L U K U

o rezultatima okončanog postupka javne nabavke i izboru najpovoljnijeg ponuđača

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj: 02-11-1277-4/24 zaključenog dana 16.10.2024. godine, Ugovor za nabavku radova na vanjskom uređenju poslovne zone Janja- Faza I dodjeljuje se najpovoljnijem ponuđaču „Izgradnja“ doo Teočak, za ponuđenu cijenu od **333.639,58 KM** bez PDV-a po ponudi broj: 181-2-02/2024 od 11.10.2024. godine. Ukupna vrijednost radova s obračunatim PDV-om iznosi **390.358,31 KM**.

Član 2.

Prijedlog Ugovora dostavit će se na potpis izabranom ponuđaču na adresu „Izgradnja“ doo Teočak, Teočak bb; 75414 Teočak, koji je u obavezi da prije potpisivanja ugovora dostavi novi Obrazac za cijenu ponude korigovan za procentualno umanjenje cijene nakon završetka e-aukcije.

Član 3.

Izabrani ponuđač je u sklopu svoje ponude dostavio originale ili ovjerne kopije dokaza o činjenicama navedenim u Izjavama iz članova 45., 47. i 51. Zakona o javnim nabavkama BiH, te se isti oslobađa obaveze dostavljanja istih.

Član 4.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama i bit će objavljena na web stranici općine www.teocak.gov.ba.

Obrazloženje

Postupak javne nabavke pokrenut je Odlukom o pokretanju postupka javne nabavke broj 02-11-1277-1/24 od 25.09.2024. godine. Javna nabavka je provedena putem otvorenog postupka. Procjenjena vrijednost javne nabavke je 334.000,00 KM bez PDV-a.

Komisija za javnu nabavku je dana 21.10.2024. godine dostavila Ugovornom organu Zapisnik o otvaranju ponuda broj: 02-11-1277-3/24, Zapisnik o pregledu i ocjeni ponuda sa preporukom za izbor najpovoljnijeg ponuđača broj 02-11-1277-4/24 zaključen dana 21.10.2024. godine, Izvještaj o toku i završetku e-aukcije u postupku javne nabavke radova na vanjskom uređenju poslovne zone Janja- Faza I.

U postupku utvrđeno je da je Komisija za javnu nabavku blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 2 (dvije) ponude i to od ponuđača: „Izgradnja“ doo Teočak i „Papilon“ doo Čelić;
- da je blagovremeno zaprimljeno 2 (dvije) ponude i to od ponuđača: „Izgradnja“ doo Teočak i „Papilon“ doo Čelić;
- da su neblagovremeno zaprimljene 0 ponuda

Cijene ponuda po redoslijedu zaprimanja su bile sljedeće: „Izgradnja“ doo je dostavila ponudu ukupne vrijednosti: 333.973,55KM, „Papilon“ doo je dostavio ponudu ukupne vrijednosti 333.785,00 KM bez PDV-a; te su obje ponude u okviru procijenjene vrijednosti. Komisija je konstatovala da ponude ispunjavaju sve kriterije tražene tenderskom dokumentacijom i izvršila rangiranje ponuda, te je u skladu sa uslovima iz tenderske dokumentacije zakazana e-aukcija za dan 18.10.2024. godine s početkom u 15:00 h.

Putem e-aukcije ponuđač „Izgradnja“ doo je umanjila cijenu za 0,1 %, dok se „Papilon“ doo kao najpovoljniji ponuđač prije održane e-aukcije nije javno nadmetao. Dakle, putem e-aukcije ponuđač „Izgradnja“ doo je ponudila konačnu cijenu od 333.639,58 KM koju je komisija ocijenila najpovoljnijom, te je putem Zapisnika o pregledu i ocjeni ponuda dala preporuku Ugovornom organu za donošenje Odluke o izboru najpovoljnijeg ponuđača i da se ugovor za nabavku radova na vanjskom uređenju poslovne zone Janja-Faza I dodijeli najpovoljnijem ponuđaču „Izgradnja“ doo Teočak. Kriterij za ocjenu ponuda je bio najniža cijena.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača i ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, ugovorni organ Općina Teočak – Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, Pravilnikom o javnim nabavkama i tenderskom dokumentacijom.

Iz navedenih razloga, primjenom člana 64. stava (1) najniža cijena ponude Zakona o javnim nabavkama, odlučeno je kao u članu 1. ove Odluke.

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove Odluke.

Dostavljeno:

- Ponuđačima
- a/a



Općinski načelnik

Tajib Muminović